

VONDRO'IREO KANDIDA 11

Hitohy anio ny hetsika, depiote eo amin'ny 13 mey sabotsy

Niato aloha ny fidinana an-dalambe, ho eny amin'ny kianjan'ny 13 mey nataon'ny vondron'ireo kandida 11 omaly, nihaona tamin'ireo hery velona samy hafa eto amin'ny firenena izy ireo tamin'izany, nandamina ny paikady ihany koa izy ireo amin'ny itakiana ny hanaovana fifidianana madio, mangarahara eken'ny rehetra eto amin'ny firenena, ary ny firenena Malagasy dia tsy tokony hoenti-bazaha. Teny amin'ny Le Hintsy Ambohimambola no nihaona tamin'ireo mpanao politika, sokajin'olona sy fikambanana samihafa ny vondron'ny kandida 11. Nanambara ny kandida Roland Ratsiraka fa hitohy anio ny hetsika am-pilaminana, ary hitondra choux fleur izy ireo amin'izany, satria afak'omaly, olona avy nivity choux-fleur no nolazain'ireo zandary fa nitondra baomba. Ny kandida Hajo Andrianainarivelo kosa nilaza fa: "manaraka ny fangatahan'ny ray aman-dreny am-panahy ao amin'ny FFKM aloha isika, ka hihaona amin'ny hery velona rehetra aloha androany, hanamafisana ny fitakiana izay atao am-pilaminana hatrany. Ny fifidianana madio, ny fiverenan'ny fanajana ny lalana ary ny fiandrianam-pirenena no tanjona, ka raha tanteraka tsy ilana fidinana an-dalambe izany dia arahaba soa. Ny faniriana dia hiroso amin'izany fifidianana madio izany haingana, fa maika ny fanavotana ny toe-karena sy ny firenena."

Nidinika sy nifanatonana tamin'ny ankolafin-kery hafa koa ny FFKM omaly. Ny teto an-drenivohitra no niato ny hetsika omaly, fa hitarina any amin'ny faritra koa izao hetsiky ny vondron'ny kandida izao.

FFKM

Ankoatra izany, nanao fanambarana ny FFKM afak'omaly maraina, mialoha ny nandraisany ny vondron'ny kandida ny tolakandro. Ny FFKM dia miantso ny rehetra ho tony, sy ampitsahatra ny fifampihantsiana sy ny herisetra. Nanao antso ireo Filoham-piangonana 4 mivondrona eo anivon'ny FFKM, manoloana ny zavamisy ankehitriny eto amin'ny Firenena, izay miseho

Fandikan-dalana sy fanamparam-pahefana

Nitombo 24 ora indray ny fitazonana an'i Rina eny Fiadanana

Mitohy ihany ny fandikan-dalana sy fanamparam-pahefana, ataon'ny fitondrana mitondra amin'izao fotoana dia ny governemanta iaraha-mitantana, tarihan'ny Praiministra Ntsay Christian. Nitombo 24 ora indray ny fitazonana an'i Rina Randraimasinoro, sekretera jeneralin'ny antoko Tiako i Madagasikara (TIM) eny amin'ny zandary eny Fiadanana, nefa tsy misy ny zavatra tokony hanenjehana azy, mahakasika ny hetsika an-dalambe tarihan'ny vondron'ireo kan-



Ny mpisolovava an'i Rina, Me Eloi.

didà 11. Fandikan-dalana sy Fanaparam-pahefana izany mbola fitazonana an'i Rina izany hoy ny depiote avy amin'ny mpanohitra, nanamafy izany koa

ny birao politikan'ny antoko. Nanambara ihany koa ny mpisolovava azy, Me Eloi Ratemafimafimajoro fa: "nohalavaina 24 ora ny fitazonana azy ao



amin'ny savorovoro sy fifampihantsiana, izay atahorana hatramin'ny famoizana aina sy faharavana fananana mihitsy, raha ny nambaran'izy ireo. Ny FFKM, hoy ny fanambarana, dia miantso hatrany ny hisian'ny fifampiresahana, toy ny efa natao tamin'ireo ankolafin-kery samihafa, hametrahana amin'ny laoniny ny filaminana sy hitadiavana vaha-olana, hivoahana amin'izao zava-misy eto amin'ny Firenena izao. Manaitra ny sain'ny rehetra ny Filoham-piangonana, amin'ny fametrahana lova tsara ho an'ny taranaka, izay fampandrosoana mitoetra eo ambonin'ny filaminana. Mangataka ny ampitsaharana ny fifampihantsiana sy fifandranitana izay mety hiteraka fifandonana ny FFKM, ary manamafy ny hisian'ny fahalalahana haneho hevitra ampilaminana. Namarana ny antso ny Filoham-piangonana, ny hanohizana ny fihaonana amin'ireo kandida 13, ary tsy nanadino ny nankahery ireo naratra tamin'ny savorovoro nisy, ary manentana ny vahoaka hitondra am-bavaka hatrany ho an'ny Firenena, ary hijoro mandrakariva amin'ny fahamarinana. Fantatra ihany koa izao, fa nanao fangatahana teny amin'ny Prefety, hanao tatitra eo amin'ny kianjan'ny 13 mey ny sabotsy izao ny fivondronan'ireo depiote avy amin'ny mpanohitra.

Isambilo

Hetsiky ny vondron'ny kandida 11

Tonga hanatevina ny tolona ny kandida Brunelle Razafitsiandraofa

Tonga hanatevina ny hetsiky ny vondron'ny kandida 11 koa, ny kandida Brunelle Razafitsiandraofa, fa tsy araky ny nambaran'ny sasany fa nialangalana ny tenany. Namonjy lanonana tany Ikongo faritra Fitovinany efa fanao isan-taona, ary efa voafaritry mialoha ny datin'izany izy. Araka ny vaovao azo dia efa miakatra aty Antananarivo izy izao. Nanamafy izy fa mivondrona hatrany amin'ny "collectif des candidats", fa mbola namonjy ny lanonana efa tao anaty fandaharam-potoana efa ela.



Ny kandida Brunelle Razafitsiandraofa.

Nohon'ny Fety lehibe fanao isan-taona na Festival Soriba izay karakara rainy dia nangataka alalana tamin'ireo Kandida Filoham-pirenena 11 namany i Brunelle, mba hanatrehan'ny ilay Festival

Soriba andiany faha "4" dia niara-nanaiky ireo kandida 10 namany fa homena fotoana fohy izy hanatrehan'ny ilay fety tany an-tanindrazany ka ny alarobia 27 Septembre 2023 teo izy no niala taty Antananarivo nidina any Ikongo, efa tafaran'ny fotoana nidinany tany no nanombohan'ireo kandida filoham-pirenena namany nanao ny fidinana andalambe. Midika izany fa nomen'ireo kandida namany lalana no nandehanany namonjy Festival Soriba tany Ikongo, fa tsy fahatahorana hiatrika za-

Fiadanana. Mbola tazovina eny amin'ny zandary Fiadanana i Rina Randraimasinoro, Sekretera Jeneralin'ny antoko Tiako i Madagasikara. Tsy misy mihitsy ny heloka tokony hitazonana azy." Raha ny vavao voaray, tsy misy mety mandray ity raharaha Rina Randraimasinoro ity ny ao amin'ny Fitsarana Anosy. Noho izay antony izay, milaza ny rehetra: "avotsory Rina, fa tsy misy ny heloka anenjehana azy."

Stefa

vatra sanatria. Namafisiny koa fa: "fady ny Hovalahy Antagnala izany mitsoaka an'ady izany rehefa voafatotra ny Sadika na dia hisy ino na hisy inona." Ny Tarigetany dia ny hoe: "hiaro ny Tany." Ka vonona hatramin'ny farany izy amin'ny firosahana andalambe miaraka amin'ny vahoaka malagasy rehetra, mitaky ny fahamarinana eto amin'ny taniny. Ary mankahery ny rehetra koa amin'ny tolona iraisana hitakiana ny marina sy ny rariny eto amin'ny Firenena.

Niaina

Ny Valosoa sy fakafaka

Andry Rajoelina sy ny forongony Miezaka manatanteraka ny nofinofin'ny mpanjanatany frantsay eto

Miezaka manatanteraka ny nofinofin'ny mpanjanatany frantsay, momba an'i Madagasikara amin'izao fotoana izao, ry Andry Rajoelina sy ny TGV ary ireo miara-dia sy manohana azy. Nofinofy sy fikasana hihazona an'i Madagasikara ho zanatany handritry ny 300 taona. Efa nanomboka tapaka sy nifarana io tao anatin'ny taona maro taorian'ny fahaleovantena ary indrindra ny tamin'ny taona 1972, saingy nofohazin'i Andry Rajoelina sy ireo forongony ireo. Ny taona nahazoany ny fizakana ny zom-pirenena frantsay, ka nahavazaha azy ny taona 2014 sy ny niakarany teo amin'ny fitondrana ny taona 2018 no tena nitohizan'izay politika maloton'ny mpanao politika frantsay izay. Mety tsara amin'ireto farany ity saribakoliny na babakotony ity ary azony ampiasaina tsara amin'izay ilany azy. Eo aloha ny fiarovana ny tombontsoa frantsay efa mamahatra eto nandritry ny taona maro izay, ka manararaotra hatrany ny harena atao tantely afa-drakotra eto amin'ity firenena ity. Ankoatra ny fangoronan-karena mihoa-pampana azony eto, ny tsy famotsorana mihitsy sy ny fanagiazana hatrany ireo Nosy manodidina « îles éparses » an'ny Malagasy, ary Rajoelina tsy afaka velively hitaky malalaka amin'ny Frantsay sy hamerina azy ireo satria olony ; ary indrindra ny fampiharana ilay politika maloton'ny mpanjanatany frantsay tamin'ny fotoan'andro, ilay « zarazarao hanjakana », satria ny teny nataony na tamin'ny alahady na ny talata, dia miaro na ao ambadiky ny ambarany fampisaraham-bazana na fampiadiana ny samy Malagasy. Ny fifotoran'i Andry Rajoelina izay mikasa hatrany hiverina eo amin'ny fitondrana sy ny fisainan'ireo mpiara-dia aminy rehetra, dia mamoha midanadana ny fiverenana sy ny fitohizan'ny vanim-potoanan'ny fanjanahantany vaovao indray. Resabe famitahambahoaka sy fampandriana adrisa fotsiny no ataon'izy ireo eto amin'ity firenena ity sisa, mba hanampena-maso ny vahoaka sy hakana ny fony. Ny ambadik'izay lazainy anefa tena poizina mifono sy zava-doza hoan'ity firenena ity sy ny taranaka fara aman-dimby. Iaraha-mahita anie, fa nanao asa vaventy teto ny mpanjanatany toy ny tonelina, ohatra, sns... Ireny anefa natao ahafahany manageja ny Malagasy sy mangorona ny harembe teto nandritry ny taona maro. Ny fitondran-dRajoelina teo aloha ihany koa milaza nanao asa kanefa tsy miàla amin'izay ambadika politika frantsay izay ihany izany. Tsy misy vahoaka azony fitahina sy laingana intsony eto, fa ireo manaiky atao fitaovana sy mpi-solelaka mpila ranondranony sisa no manara-dia azy eo amin'izao fotoana izao. Tsy azo ekena velively ny hamerenana ny politika maloto frantsay izay ataon'ny saribakolim-bazaha mpivarotra sy mpamadika tanindrazana eto amin'ity firenena nolovaina tamin'ny razana ity.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Murielle A.